



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-1-40-011-3/22**

Datum: **25.02.2022. godina**

«Agencija za vodno područje rijeke Save» Sarajevo rješavajući po zahtjevu pravnog lica „BINGO“ d.o.o. – export-import Tuzla za izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta- tekstilna proizvodnja u naselju Tojšići, Kalesija, na osnovu člana 139. stav (1) Zakona o vodama («Službene novine Federacije BiH, broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99), **donosi**

RJEŠENJE

1. Odbija se zahtjev pravnog lica „BINGO“ d.o.o. –export-import Tuzla za izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta- tekstilna proizvodnja u naselju Tojšići, Kalesija, na zemljištu označenom kao k.č. broj: 2527/27, 2527/26 i 2527/4 K.O. Lipovice, s obzirom da za predmetnu aktivnost nije propisana obveza pribavljanja vodnih akata od strane ove Agencije.

Obrazloženje

Pravno lice „BINGO“ d.o.o. –export-import Tuzla zahtjevom zaprimljenim u ovoj Agenciji dana 17.01.2022 godine zatražilo je izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta- tekstilna proizvodnja u naselju Tojšići, Kalesija b, na zemljištu označenom kao k.č. broj: broj: 2527/27, 2527/26 i 2527/4 K.O. Lipovice.

U provedenom postupku dostavljena je i pregledana sljedeća dokumentacija:

- Rješenje o izmjenama podataka u sudskom registru broj: 032-0-Reg-21-001863 od 17.12.2021. godine, izdato od strane Općinskog suda u Tuzli- ovjerena kopija,
- Kopija uvjerenja o poreskoj registraciji izdato od strane Kantonalnog poreznog ureda Tuzla dana 05.02.2013 godine
- Zemljišno knjižni izvadak, ZK uložka 2326 od 14.10.2021 godine izdat od strane Općinski sud u Kalesija, ovjerena kopija;
- Izvod iz posjedovnog lista 3507 broj: 02/2-2-26-3-5611/21-1 od 14.10.2021 izdat od strane Službe za prostorno uređenje. geodeske i imovinsko-pravne poslove, Općina Kalesija-ovjerena kopija;
- Kopija katastarskog plana broj plana 8 UR broj: 02/2-2-26-5612/2021-1 od 14.10.2021 godine izdata od strane Službe za prostorno uređenje. geodeske i imovinsko-pravne poslove, Općina Kalesija-ovjerena kopija;
- „Studija za izdavanje prethodne vodne saglasnosti za potrebe poslovno proizvodnog objekta- tekstilna industrija, urađena od strane «ATRIUS » d.o.o. Živinice, novembar 2021. godine;
- Dokaz o uplaćenju upravnoj taksi.

Studija dostavljena uz zahtjev je djelimično obradila činjenice koje su bitne za ovaj slučaj te je uvidom u istu utvrđeno da je potrebno izvršiti dopunu Studije. Našim aktom UP-1/21-1-40-011-2/22 od 20.01.2022 godine traženo je od podnosioca zahtjeva da istu dopuni na način da obradi i da objašnjenja po slijedećim činjenicama:

- Predvidi tretman otpadnih voda na postojećem separatoru inkubatorske stanice ili eventualno zasebnom separatoru a prije ispuštanja u postojeću kanalizaciju objekta inkubatorske stanice a koja se nalazi pored predmetnog objekta,
- -Predvidi dodatne i standardne mjere zaštite u IV zoni zaštite izvorišta „Krušik“ koje će se morati obavezno provoditi putem zabrana,
- -Obradi mogući uticaj velikih voda ranga pojave 1/100 rijeke Gribaja.

Dana 23.02. podnosilac zahtjeva je dostavio dopunjenu studiju sa činjenicama traženim u našem aktu.

Na osnovu uvida u Studiju i dostavljenu dokumentaciju utvrđeno je sljedeće:

- Lokacija na kojoj je planirana gradnja nalazi se u naselju Tojšići, Kalesija, na zemljištu označenom kao k.č. broj: 2527/27, 2527/26 i 2527/4 K.O. Lipovice.
- Pogon za proizvodnju tekstila udaljena je od rijeke Gribaje cca 150 m.
- U studiji je navedeno da se predmetna lokacija ne nalazi pod uticajem velikih voda rijeke Gribaje ranga 1/100 godina.
- Namjena objekta je tekstilna industrija a koja se sastoji od krojenja, proizvodnje (šivenja) i kontrole proizvoda.
- U procesu proizvodnje se ne koristi voda tako da ne nastaju tehnološke otpadne vode.
- Lokacija na kojoj je planirana izgradnja predmetnog objekta nalazi se u IV zoni zaštite izvorišta „Krušik“ te su predviđene i detaljno opisane dodatne i standardne mjere koje će se morati obavezno provoditi putem zabrana, ograničenja i drugih oblika kontrole ljudskih aktivnosti radi smanjenja rizika od zagađenja izvorišta ili drugih uticaja koji se mogu nepovoljno reflektovati na stanje izvorišta, njegovu izdašnost, kvalitet i zdravstvenu ispravnost
- Oborinske onečišćene vode sa platoa će biti prikupljene i spojene na internu instalaciju kanalizacije postojećeg objekta na lokaciji-inkubatorske stanice odnosno tretman istih će se vršiti na postojećem separatoru.

U planiranom objektu neće nastajati tehnološke otpadne vode iz procesa rada a kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20,96/20).

Pravno lice „BINGO“ d.o.o. –export-import Tuzla ima na predmetnoj lokaciji na susjednoj parceli poslovni objekat-inkubatorsku stanicu za koji je izdato Rješenje o vodnoj dozvoli za ispuštanje otpadnih voda sa uslovima broj: UP-I/25-3-40-475-4/20 od 20.11.2020 godine, izdato od ove Agencije.

Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, korisnik objekta dužan je da pribavi vodne akte od nadležnog organa.

U skladu sa članom 18. stav (1) tačka 2. Pravilnika o sadržaju, obliku, uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), proširenje kanizacionog sistema na način da će se dograđeni dio uključiti na postojeći sistema za koji je već izdata vodna dozvola, ova aktivnost ne podliježe obavezi ishodovanja vodnog akta.


Imajući u vidu navedeno i na osnovu utvrđenog činjeničnog stanja, a u skladu sa članom 200. stav (1) Zakona o upravnom postupku, članom 139. stav (1) Zakona o vodama, riješeno je kao u dispozitivu ovoga Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Ahmedić Behija dipl.inž.tehn.

Po ovlaštenju
Rukovodilac sektora za zdvajanje vodnih akata

Haris Ališehović, dipl.inž.grad.

Dostaviti:

- «Bingo» d.o.o. Tuzla, Bosanska Poljana bb, Tuzla
- AVP Sava, ISV-vodna knjiga
- ☉ Sektor 40 – arhiva
- Oglasna ploča – AVP Sava